

Бухорода янги автобуслар сотиб олинди

Ўзбекистон Республикаси Президентининг 2017 йил 10 январдаги “Аҳолига транспорт хизмати кўрсатиш ҳамда шаҳар ва қишлоқларда автобусларда йўловчилар ташиш тизимини янада такомиллаштириш чоратадбирлари тўғрисида”ги қарори ижросини таъминлаш бўйича бир қатор чора-тадбирлар ишлаб чиқилган.

Хусусан, Бухоро вилоятида фаолият кўрсатаётган автокорхоналар ҳам қарор ижроси бўйича бир қатор ишларни амалга оширишга киришди.

Жумладан, Бухоро вилоятида фаолият юритаётган “Алихан Транс Сервис” МЧЖ ISUZU НС 40 русумли 25 дона автобусни жами 2,5 млрд. сўмга кредит асосида сотиб олди.

Жамият 80 млн. сўмга пропан газ ускунасини ўз маблағидан ўрнатишни режалаштирган бўлиб, автобусларни 2 та янги йўналишга бириктириш орқали аҳолига сифатли автотранспорт хизмати кўрсатишни мақсад қилган.

Хозирги вақтда жамият томонидан жами 56 та автобус харакатланмоқда. Янги олинган автобуслар учун 25 ҳайдовчи ва 4 та нозим ишга олиш кузда тутилган.

Ўзбекистон автомобиль ва дарё транспорти агентлиги Ахборот хизмати